

NOTTI DE FASTIGIUS.

- Est una notti scura, e su bentu
 fridu cumentu 'e nii, e s'umidadi,
 parid' chi fazzanta una caridadi
 a is amoraus preus de penzamentu.
 E' notti 'e fastigiài; de bixianu
 sa genti trappassera no è incaràda
 in sa ventana, ma morta 'e frius attitirigada
 crepad' crocàda finzas a mangianu.
 E' su prexu de Arroza, ipsa ddu scidi
 ca mei nottis aici 'e tempu mau,
 su picciòccu suu cabada 'e medàu
 poita è seguru ca nemus ddu bidi,
 e dd'aspettada, troghàda a isciallu
 firma e tremendu in su pottelittu,
 chi ndiessad' 'e su scuru che un pisittu
 e accostid' senza chi ddi siad' traballu.
 Finzas chi lompidi, tottu imbeddiàu
 cum ddu gabbanu nieddu de orbacci
 chi in foras lassada scetti sa facci
 bella e cuntenta de omini stimàu,
 e accostada e saludad': bona notti,
 Arroza mia stimada de su coru,-
 - bona notti bramàu, bellu, tesoru,-
 ipsa arrespondidà tremendu prus affòtti.
 - ita gana tenis tui? Cumentu stais?
 - Non ce mali. Ma prangiu sempri e po tui mi trumentu,
 ti sciu in mesu de straccia e bentu
 pensu a cumentu bivis e ita fais.
 Ma immoi seu prexada e s'allegria
 accenta tua mi torrada a su coru,
 accosta ca t'imprassu, ca t'adoru
 prenda stimada de sa vida mia.
 Ma prima narami: cand'è chi tui terras de seguru?
 no mi lessisti meda in penzamentu.-
 - Bivi tranquilla, torru ua notti 'e bentu,
 de straccia de frius e de iscuru.

PAN' E CASU.

f BALLICCA BALLOCCA.

Ballicca Ballòcca:
una scimpra de bidda,
muccòsa, babòsa,
che limu 'e anguidda
tottu piccigòsa.
Fragòsa è che mocca,
e caddòtza che porca
è setzia in ddu scannu
in mesu 'e su sobi
de appenas orbesciu,
e pottada asutte una crobi
'e checchei, su fragu pudesciu
in prazza t'ha dannu
su intendi a tott'annu.

Su scannu è scoxàu
e bandada e benidi
ca ipsa s'incrubada,
e cun is forzas chi tenidi
s'accirdiada e attrubada
cumentu 'e un tiàu
de bois craccaxàu.

Sempr'è sanziendu
dromèndu ua pippia
chi ha fattu sa mamma:
- fai nanna anninnia,
ddi narad' sa stramma,
yè sempri narèndu,
tzerrièndu, cantèndu:

-Su stòri su stòri
su stòri e sa stria
appettanta impàri
in ddu campu 'e tirla
attesu de mari,
e fadèndu s'amori
ddu su bidu un pastòri.

Scedada? Biada
Ballicca Ballòcca!
Ca cantada e arridi
cun boxi 'e piocca
e nudda no iscidi,
yè sempri prexada
manchè lastimàda.

PAN' E CASU.

A UNA PICCIOCCA BRUNDA.

Portas sa conca brunda che su nenniri
chi pointi in cresia sa globia santa,
e ita si a is bint'annus fessi accanto
e cun tempus in cantis po nci benniri
a ti castiài cument' sesi e nanta,
bella, bianca e prena de colori
cument'est in benàu omnia frori,
e sempri allirga cument' e una pispanta.
Nci a benni po unu mesi, e che un licòri
ti nci a srubl' a itasisiada jenia,
e candu yastessi tui de mei istasia,
de mimai iaste azzettai puru s'amori.
E pustis? Pustis tui yastessi mia
che una prenda nodida e tottu fogu,
po mei yastessi su trustullu 'e giogu
de tenni cun amori e gelosia.
E miada a parri passendu in sa bia
cun tui, di essi su prus imbidiaù,
su prus cuntentu, su prus assottàu
de tottu is omis chi teinti cumpangia.
E tui? Tui puru cun mei de Tui stimàu
prus che susuncu stimad' sa sisina,
iasta parri sa mellus reina
cun Mei giovunu e bellu a su costàu.
Ma tottu custu e attera faina
chi a bint'annus siguramenti ia fai,
oi ddu biu e ddu deppu disigiài
che montangesu chi disigia' sa marina.
E cosa mala è su si deppi rassegnài
a custa edàdi chi ndarruidi a craccu,
e poguse'è chi a tottu deo m'affràccu
a su bellu chi mi faid' bivi e bisài.
E si pur' esti casi un fai de maccu
a disigiài s'edàdi chi è fulda
che unu bisu, custu aggiudada in sa vida
a ponni pèi e arrì de d'omnia sciaccu.

PAN' E CASU.